


麗江縣志

58105647  
4/1  
142



麗江縣志

學校志

文廟

廟學在府治北舊無學舊志

清康熙三十九年通判孔興詢詳請建於府治之東規制悉照東魯家廟雍正三年知府楊猷教授萬成燕改遷今地五年知府元展成建明倫堂八年知府靳治岐重修乾隆四年知府管學宣教授萬成燕改建兩廡大成門櫺星門魁星閣五年重建大成殿崇聖祠明倫堂泮池照壁文廟坊四十八年知府孔繼炳同紳士重修道光元年知府王厚慶知縣伍文燿率紳士重修四年知府廣裕知縣孫澤加修同治九年知府屈紹培同紳士重修大成殿明倫堂光緒三年知府許其翔同紳士重修崇聖祠大成門櫺星門咸豐間文廟坊燬於兵光緒十一年紳士重建

清

康熙朝頌

御書萬世師表額

雍正朝頌

御書生民未有額



乾隆朝頌

御書與天地參額

嘉慶朝頌

御書聖集大成額

道光朝頌

御書聖協時中額

咸豐朝頌

御書德齊疇載額

同治朝頌

御書聖神天縱額

光緒朝頌

御書斯文在茲額

正殿南嚮奉

至聖先師孔子神位

漢平帝元始元年追諡為褒成宣尼公永平二年稱先師晉  
宋梁陳稱先聖北魏稱文宣尼父唐武德二年配享周公稱  
先師貞觀二年傳祀周公仍稱先聖開元二十七年追諡文  
宣王宋大中祥符元年加號元聖元大德十一年加號大成

明嘉靖九年尊至聖先師孔子定木主制去王號及大成文  
宣之稱

東配 在殿內西嚮

復聖顏子 漢永平十五年祀七十二弟子顏子位第一魏晉  
祀孔子均以顏子配唐貞觀二年以孔子為先聖顏子配享  
歷朝因之

述聖子思子 宋大觀二年從祀端平二年升列於哲  
西配 在殿內東嚮

宗聖曾子 唐開元八年從祀 宗咸淳三年配享

亞聖孟子 宋元豐七年配享

上四配宋以前皆封爵元至順元年贈顏子袞國復聖公曾  
子邾國宗聖公子思子洙國述聖公孟子鄒國亞聖公明嘉  
靖九年去爵號改稱復聖顏子宗聖曾子述聖子思子亞聖  
孟子清因之

東哲六 在殿內次東旁西嚮

先賢

閔子損 冉子雍 端木子賜 仲子由 卜子商 唐貞  
觀二十一年以經師從祀開元八年升祀十哲 有子若

唐開元八年從祀清乾隆三年升列東哲卜子商之次移朱子於西哲顓孫子之次

西哲六 在殿內次西旁東嚮

先賢

冉子耕 宰子予 冉子求 言子偃 顓孫子師 唐開元八年從祀宋咸淳三年升列十哲 朱子熹 宋淳祐元年從祀明崇禎十五年改稱先賢位七十子下漢唐諸儒上清康熙五十一年升配大成殿十哲卜子商之次乾隆三年移列西哲顓孫子之次

四

以上哲位俱用木主宋以前皆稱封爵明嘉靖九年去封號稱先賢某子清因之

東廡先賢 在殿下西嚮

秦非	叔仲會	罕父黑	漆雕哆	司馬耕	公孫僑	東廡先賢
顏	公西輿	榮旂	公西赤	梁鱣	林放	<small>在殿下西嚮</small>
噲	如	左人郢	任不齊	冉孺	原憲	
顏	邾	鄭國	公良孺	伯虔	南宮适	
何	孫	原亢	公肩定	冉季	商瞿	
縣	陳亢	原亢	公肩定	漆雕徒父	商瞿	
亶	元	原亢	公肩定	鄒單	漆雕開	
牧	琴張	原亢	公肩定	鄒單	漆雕開	
皮	步叔乘	原亢	公肩定	鄒單	漆雕開	
樂正克		原亢	公肩定	鄒單	漆雕開	

萬章 周敦頤 程顥 邵雍

西廡先賢 在殿下東嚮

蘧瑗 澹臺滅明 密不齊 公冶長 高柴

樊須 商澤 巫馬施 顏辛 曹邨 公孫龍

秦商 顏高 壤駟赤 石作蜀 公夏首 后處

奚容蒧 顏祖 句井疆 秦祖 縣成 公祖句茲

燕伋 樂欬 狄黑 孔忠 公西蒧 顏之僕

施之常 申棖 左丘明 秦冉 公明儀 公都或

公孫丑 張載 程頤

五

以上先賢宋以前從祀者皆稱封爵明嘉靖九年改稱先賢某子周張程邵五子嘉靖時稱先儒崇禎十五年改稱先賢位在七十子之下漢唐諸儒之上清因之

東廡先儒

公羊高 伏勝 毛亨 孔安國 唐貞觀二十一年從祀原位西廡 后蒼

鄭康成 雍正二年從祀原位西廡 范甯 雍正二年從祀原位西廡 陸贄 范仲淹

歐陽修 司馬光 咸滄三年從祀原位西廡 謝良佐 呂大臨 羅從彥

李綱 咸豐元年從祀原位西廡 張栻 景帝二年從祀原位西廡 陸九淵 嘉靖九年從祀原位西廡

陳淳 真德秀 正統二年從祀原位西廡 何基 雍正二年從祀原位西廡 文天祥

道光二十三年  
從祀原西廡  
趙復  
金履祥  
雍正二年從祀原西廡  
陳浩  
雍正二年從祀原西廡

方孝孺  
薛瑄  
明隆慶五年從祀原西廡  
胡居仁  
羅欽順  
呂柟

同治二年從祀原西廡  
劉宗周  
道光二年從祀原西廡  
孫奇逢  
道光八年從祀原西廡  
陸隴其

雍正二年從祀原西廡  
張履祥  
張伯行  
輔廣  
黃宗羲  
劉因

西廡先儒

穀梁赤  
高堂生  
董仲舒  
至順元年從祀原東廡  
劉德  
光緒年從祀

毛萇  
杜子春  
唐貞觀二十一年從祀原東廡  
諸葛亮  
雍正三年從祀原東廡  
王通

明嘉靖九年從祀原東廡  
韓愈  
胡瑗  
韓琦  
咸豐二年從祀原東廡

明宏治八年從祀原東廡  
游酢  
光緒年從祀  
尹焞  
胡安國  
李侗  
明萬曆二十四年

年從祀原東廡  
呂祖謙  
景帝二年從祀原東廡  
黃幹  
蔡沈  
明正統二年從祀原東廡

魏了翁  
雍正二年從祀原東廡  
王柏  
雍正二年從祀原東廡  
陸秀夫  
許衡

吳澄  
乾隆二年從祀原東廡  
許謙  
雍正二年從祀原東廡  
曹端  
咸豐十年從祀原東廡

陳獻章  
蔡清  
王守仁  
明萬曆十二年從祀原東廡  
呂坤  
黃道周

道光五年從祀原東廡  
陸世儀  
光緒二年從祀原東廡  
湯斌  
道光二年從祀原東廡  
袁燮

同治七年從祀原東廡  
王夫之  
宣統元年從祀  
顧炎武  
宣統元年從祀  
趙岐  
民國年從祀

以上先儒自唐貞觀明嘉靖以前從祀者皆稱封爵嘉靖九年改稱先儒清因之

崇聖祠

清

雍正元年奉諭旨加封 孔子五代改啟聖祠為崇聖祠正

位奉

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公 俱南向木主

東配

七

先賢孔氏孟皮

先賢顏氏無繇

先賢孔氏鯉 俱西向

西配

先賢曾氏點

先賢孟孫氏激 俱向東

東廡

先儒周氏輔成

先儒程氏珦

先儒蔡氏元定 俱西向

西廡

先儒張氏迪載父

先儒朱氏松朱子父

俱東向木主

清

雍正三年奉旨郡縣丁祭牲用太牢乾隆三年奉部頒定祭

品

先師正位

帛三 爵三 牛一 羊一 豕一 登一 鉶二 簋二  
簋二 籩十 豆十 酒罇一

四配各一壇

每位帛三 爵三 羊一 豕一 鉶一 簋二 簋二  
籩八 豆八 酒罇一  
十二哲東西各一壇

帛三 爵三 羊一 豕一 鉶各一 簋各一 簋各一  
籩各四 豆各四 酒罇一

西廡東西各一壇

帛三 爵三 羊一 豕一 簋各一 簋各一 籩各四  
豆各四 酒罇一

崇聖祠五壇

爵鉶簋籩豆牲帛視四配

配位 每位一壇

帛及籩豆簋籩視十哲用羊豕各一減鉶羹

從祀 東西二案

祭品視兩廡用三牲豕肉一

儀注同正殿減飲福受胙樂舞

迎神樂奏咸平之章

大哉至聖道德尊崇維持王化師民是宗典祀有常精純並  
隆神其來格於昭聖容

初獻樂奏寧平之章

自生民來誰底其盛惟斯神民度越前聖窈帛具成禮容斯  
稱黍稷非馨惟神之聽

亞獻樂奏安平之章

九

大哉聖師實天生德作樂以崇時祀無斃清酤維馨嘉牲孔  
碩薦羞神明庶幾來格  
終獻咸平之章

百王宗師生民物軌瞻之洋洋神其寧止酌彼金罍惟清且  
旨登獻惟三於嘻成禮

徹饌樂奏咸平之章

犧象在前籩豆在列以享以薦既芬既潔禮成樂備人和神  
悅祭則受福率遵無越  
送神樂奏咸平之章

有嚴學宮四方來宗恪恭祀事威儀雍雍歆茲維馨神馭還  
復明禋斯畢咸膺百福

乾隆八年新頒欽定樂章

文廟春秋丁祭樂章

夾鐘為宮倍應鐘起調

迎神樂奏咸平之章

大哉孔子先覺先知與天地參萬世之師祥徵麟紱韻答金  
綵日月既揭乾坤清夷

初獻樂奏寧平之章

予懷明德玉振金聲生民未有展也大成俎豆千古春秋上  
十

丁清酒既載其香始升

亞獻樂奏安平之章

式禮莫愆升堂再獻響協鼓鏞誠孚疊獻肅肅雍雍譽髦斯  
彥禮陶樂淑相觀而善

終獻樂奏景平之章

自古在昔先民有作皮弁祭菜於論思樂惟天牖民惟聖時  
若藝倫攸叙至今木鐸

徹饌樂奏咸平之章

先師有言祭則受福四海饗宮疇敢不肅禮成告徹毋疏毋

瀆樂所自生中原有教  
送神樂奏咸平之章

鳧繹我我洙泗洋洋景行行止流澤無疆聿修祀事祀事孔  
明化我蒸民育我膠庠

部頒樂器章程

雍正二年

編鐘 特鐘 編鐘 特磬 琴 排簫 瑟 簫 笛

壎 篪 搏拊鼓 笙 祝 敔 應鼓

舞器

旌 節 麾幡 龍旗 鳳旗 黃傘 張扇 黃緞

棹圍 羽籥

祭器

登 鉶 簋 簠 豆 壺尊 爵 篚盒 牲俎

祝版 火燭台 木盒 中鼎鑪 花瓶 龍鳳燈

以上祭器樂器日久散失無存光緒二十年知麗江府陳宗  
海捐置籃杉二十四件 羽籥十六付 絨靴十二雙

爵杯五個 節一對 旄一對 暖帽十二頂 涼帽十二頂

金頂十二座 黃緞棹圍一幅 張扇一對 黃扇一把 龍鳳  
旗各一對 旌一對

文廟歲修田畝附記

雍正五年六月教授萬成燕詳請知府元展成撥 文廟歲修田地一百九十三畝五分坐落刺寶魯普瓦村每年收租米三十石該條銀壹兩三錢五分秋糧麥折米二石六斗七升三合乾隆二年二月教授萬成燕申詳知府管學宣批該鄉保庄戶照數每年赴該學上納米二十石無庸在府倉支領其田刑四至奉 藩憲查造總歸本府衙門稽查按年造報其條糧稅秋總歸本府官庄報墾項下彙完亦無庸該學經理另納此外庄戶人等亦不得另有服役滋累之處發學存案今無存

學額

貢例薪紅附

清

會典事例雍正元年議准麗江府於康熙四十四年設學止設廩生三十名不便照府學廩生四十名每年貢一名之例應照州學例三年貢二人

十二

又乾隆三十六年議准府學原額文武生各十五名今新設首縣應將府學裁去文武生各七名作為麗江縣學府學原額廩增各三十名今改為各二十名二年一貢麗江縣設廩增各十名四年一貢

麗江府學定額廩生二十名增生二十名二年挨貢一名歲試取入學文章八名武童八名科試取入學文章八名

麗江縣學定額廩生十名增生十名四年挨貢一名歲試取入學文章七名武童七名科試取入學文章七名

以上府縣兩學每試取入文章拾伍名光緒貳拾年知府陳

宗海詳定每名薪紅銀壹拾陸兩由公款提送

玉河書院 清康熙四十九年通判樊經建日以廢乾隆四年

知府管學宣重設每年束修銀十二兩後改為玉河館

雪山書院 在府治西清雍正三年知府楊秘教授萬咸燕同

設乾隆二年知府管學宣重修五十五年知縣徐修獻舉人

李廷俊重修咸豐年燬於兵同治十二年知府徐承勳知縣

周維吳舉人楊鳳友等重建光緒十九年知府陳宗海邑紳

和庚吉李福寶等依舊地改建而擴張之

天鷄書院 在喇鷄鳴井光緒二十年知府陳宗海井大使朱

十二

德爵同紳士新設民國改歸蘭平縣

雪山書院膏火附

清雍正十三年署府姚應鸞報出溢額秋米十二石作銀十二兩又乾隆二年知府管學宣詳撥官庄減徵公件餘米七石六斗作銀七兩六錢又知府管捐銀七十兩買木門高氏中下二則地二百三十二畝坐落府西刺是里其條銀稅秋知府捐完每年收市斗大小租麥十五石合京斗麥三十六石作銀一十八兩三共銀三十七兩六錢永供束脩載入滇學彙記又乾隆四年知府管捐銀十四兩五錢置買坐落刺沙里康叫地一塊撥入書院每年完租大小麥三京石上納府倉應納條銀三分秋米五升九合四勺內除小麥一京斗五升歸府完納外餘存小麥一京石三斗五升大麥一京石五升 又阿喜鄉約李吉利自首隱種阿喜北浪滄官田大小三十八坵官地十一塊原無條米知府管學宣撥入書院每年佃戶納京斗米三石零三合小麥三石零三合赴倉上納二項麥米共估價銀八兩 又乾隆四五六等年據各夷民和目合等呈報山場乾地租銀折納黃蠟麻布等物共估銀三十三兩一錢三分三厘

以上共銀四十一兩一錢三分三厘俱經置發印簿撥給書院諸生以備膏火并月課等費其有不足俱由知府捐補并待後來設法增廣 舊志

義學

**忠孝館**

在城東門忠孝祠內清乾隆二年知府管學宣設每年給束脩京斗麥二十六石每月膏火京斗米六斗知府捐給今改初等學校

**節義館**

在城西門外節義祠乾隆二年知府管學宣設每年給束脩京斗麥二十六石每月給膏火米六斗知府捐給今改為學校

以上二館舊志乾隆二年知府管學宣詳動官庄錢糧存剩銀一百七十兩委教授萬成燕買阿首揮田七百七十畝一分坐落阿喜里七坪村每年收市斗租麥二十五石合京斗麥六十石除完秋糧二斗三升七合六勺折徵米六斗八升八合各條銀四錢六分七厘五毫共去京斗麥三石又運脚去京斗麥五石實存京斗大小麥五十二石分給二館永供束脩

**白沙館**

在城北二十里雍正十一年知府靳治岐設每年束脩京斗麥二十八石三斗

以上一館雍正十一年知府靳治岐捐銀一百兩買置束脩田庄被頭目虛捏侵食十三年經敕授萬成燕查明申詳另買木門高氏田十六畝共八段大小六十六坵坐落石鼓正紅古年納秋糧三斗一升六合八勺條銀一錢六分每年收市斗租穀六石合京斗穀十三石二斗一買王瑞田二形計二十畝坐落大研里吾卜里額納秋糧二斗三升七合六勺條銀一錢二分每年收市斗大小租麥四石合京斗八石八升一買阿退住阿知吉田三形計二十畝坐落刺是里哥資受宅開古都額納秋糧一斗九升八合條銀一錢每年收市斗大小租麥四石合京斗八石八斗

以上田地除完條糧共去京斗穀麥二石五斗實存京斗穀麥二十八石三斗永供束脩

**東河館**

在城北十五里乾隆二年知府管設每年束脩銀十二兩

**白馬館**

在城西南六里乾隆二年知府管設每年束脩銀十二兩

**刺沙館**

在城西十里乾隆二年知府管設每年束脩銀十二兩

**吳烈館**

在城東五里乾隆二年知府管設每年束脩銀十二兩

**七河館**

在城南四十里乾隆二年知府管設每年束脩銀十二兩

**九河館**

在城西南八十里乾隆二年知府管設每年束脩銀十二兩

**巨甸館**

在城西北二百四十八里乾隆二年知府管設每年束脩銀十二兩

**通甸館**

在城西二百八十里乾隆二年知府管設每年束脩銀十二兩

江西館 在城西二百八十里乾隆二年知府管設每年束脩銀十二兩

樹苗館 在城北六百三十里乾隆二年知府管設每年束脩銀十二兩

小川館 在城西南六百四十里乾隆二年知府管設每年束脩銀十二兩

以上十一館俱係知府管學宣設詳定每年裁減鄉約養廉銀一百三十二兩分給各館束脩

蘭州館 在蘭州白石江村關帝廟距城二百八十里雍正十三年署府姚應鶴設每年束脩京斗米十五石詳定年撥官庄餘米一十五石肆斗永供束脩

下井館 在城西三百五十里清雍正九年井大使鄭大位建關帝廟三間義館三間門坊全每年捐束脩銀一十二兩十三年署大使王健署府姚應鶴詳定裁減井書工食銀一十四兩永供束脩

按以上書院義學田畝束脩條載布政使司陳刊發全滇義學彙記

刺縹館 在城西八里

刺是館 在城西三十里

山後館 在城西三百四十里

以上三館連前五河書院共四館係乾隆四年知府管學宣增設每館捐束脩銀一十二兩兩年共捐束脩銀四十八兩六年詳奉 藩臺徐批准給官庄報墾減出耗米一十三石七斗二升一合七勺以資館穀 又浪滄江東江西兩保長下報出鄉約奉裁除公用外原有兩鄉約養贍銀三十六兩即請撥歸江西之硯川江東之樹苗小川三館束脩其硯川樹苗小川三館餘出原束脩銀三十六兩即以撥補增設此四館束脩連前詳撥減出耗米一十三石七斗二升一合作銀一十三兩七錢二分一厘共合銀四十九兩七錢二分一厘除四館應須束脩外餘銀亦撥雪山書院支用

上温井館 在城西三百六十里乾隆五年十月鄭大位詳捐蓋館舍三間以原給井通事一名銀一十四兩四錢改為館師束脩

以上麗屬書院義學共二十二館因麗江城鄉狃於夷習無一延師課子讀書者故前後相繼設法創興冀遠近聞風漸知振起宣謁誠勸諭不敢因循甚有子弟不赴學嚴懲父兄者又有百姓不赴學究責鄉保者均屬胡見胡聞實亦其難其慎後之君子勿鄙煩瑣益加培育焉 以上俱舊志

樂天場 乾隆十三年添設每年束脩銀一十二兩由知府捐給

黃登館 嘉慶十三年添設每年束脩銀一十二兩由知府捐給

阿喜館 在城西北

石鼓館 在城西

魯甸館 在城西光緒二十年知府陳宗海籌銀八十四兩交里民買置田地收大麥包穀租共八石

四斗永供束脩  
書院膏火義館束脩今歸併作設女子學校經費

刺寶館 在城北

東山館 在城東

大具館 在城北

南山館 在城南

江東館 在城西南 以上俱舊志

十五

民國二年割麗江西南五里半分設蘭坪一縣天鷄書院江東江西上溫井山後下井蘭州小川樹苗  
通甸等館均歸蘭坪

勸學所 雪山書院改設 增藏書目錄

詩經注疏 詩經傳說 書經傳說 禮記義疏 禮記

儀禮義疏 周官折中 周官義疏 儀禮章句 資治通

鑑 東華錄 九章算術 西藝知新 重學 數學精詳

幾何原本 喜聞過齋 瀛寰志畧 雲南續通志

譯吏綱目 西轡考輟 算術十書 算學啟蒙 則古昔

齋 算學入門 兵法四種 圍錐曲線 皇朝經世文編

經世文續編 續編時務通考 四元玉鑑 格致入門